




# OMUKWETU

Registered at the GPO as a Newspaper

15c





OSHINYANYANGIDO SHA MBONYAUNWA PO VALI

Oshinyanyangido shongeleka ya ELOK osho sha kala tashi yakula oshiwana okudja 1901, nosha hanauninwe po lwotete eti 11 Mei 1973, oshatungululilwe meni leedula mbali, osha mbonyaunwa po vali pokati keufiku po 12,15 eti 19 Iovenba 1980. Etopo linene ola udika, naavo va fika po konima yeeminate dimwe-dimwe ova mona omundilo nomwifitau di meni letungo, pokati koshinyanyangido opo pe na omashina. Etungo alishe ola li la ongotela munwe, Omashina okwa nyonaunwa nai. Oikulo yomivelo nomakende metungo alishe leengulu ne da shaamafana oya shinauninwa akushe nosho yo metungo, leembelewa dongeleka odo di li popepi.

Etopo ola lopotwa po 1.30 youfiku noRadio yoshiyapangelo sha pitila kashipangelo shaShakati nokuya kopolifi. Kapa li ekwatafano lopatelefono. Okwa yandjwa enyamukulo kutya etumwalaka ola fika kopolifi. Okwa dengelwa yo ongodu po 9.30 ongula. Opolifi oya fika lwopo 10.00

Itatu dulu okutya olye a etifa etopo loboma eli nongaashi itatu dulu okutonga onetomhelo lili pi po e shi ninga. Ashike osha yela ou e shi ninga oye omutondi-wongeleka nowoshiwana.

Opolifi oya pulwa i konakone oshinima noi yandje ehokololo kongeleka, kutya olye a longa ngaha.

Ekanifo lomitungo, omashina nomambo molwoshiponga eshi ola tangenkwa pee R350 000-00.

Oilonga aisho yoshinyanyangido oya fikamekwa manga. Ohatu pandula Kalunga eshi pehe na nande omunhu a ehamekelwa moshiponga omu. Omunhu ile ovanhu ovo ve na mo sha mehanauno omu ove na okukala va ehamekwa momaliudo avo, nohatu pula oilyo yongeleka i va ilikanene. Jesus Kristus, Mwene wongeleka ita dulu okungumaunwa po. Oku na omwe-nyo.

Efiku alishe ovanhu ova kombonoka keembinga neembinga, popepi nokokule, ve ya va hekelekafane moluhodi lwetweni atusheni.

\*\*\*\*\*



EFATULULO LYAELOK-KIIFO

Ngaashi momadhipago agehe ga etwa konkalo yiita, naga kale oga ningwa kulye, noga ningilwa peni, osho wo nomedhipago lyelenga Lisias Aluuma ngoka a dhipagelwa moshipangelo shaNakayale eti 31 Oktoba 1980 ongeleka inayi nyanyukilwa edhicago lya tya ngaaka. Ongeleka otayi yakula aantu ayehe noi-naku talika kutya oyongundu yini muropolitika. Moshiponga shaLisias Aluuma, omuphawiliki gwongeleka, omusitagongalo Simson Ndatipo oye gwotango a yakula elenga Lisias pamwenyo konima yokuyahwa kwe oku mu pa ombili yegongalo manga ina sa. Osho wo omayakulo agehe galwe ga li taga tegelelwa ga ze kongeleka nokegongalo oga ningwa komusita.

Ongeleka otayi gandja eyakulo lya-wo nokutalaleka oonakusilwa ayehe nochapu dhaKalunga. Osho wo ELOK ota halele efamili yaAluuma naya-lwe ayehe mboka ya ningilwa iini-ma ya tya ngaaka etalaleko taki zi kuKalunga notayi ya galikanene.

Ongeleka otayi holola wo okuuva nayi kwayo sho omutumwa, Sister Kaino Kovanen, ngoka a yakula oshigwana shika okuza 10 Juli 1954, ngashingeyi okwe ya olufo olutihamano okuza 5 Januari 1978 nokwa pewa kepangelo uthemba wokukala moshilongo aluhe (permanent residence permit) a tidhwa ashike ngaaka moshilongo kepangelo lyOwambo nolya indila ope opermite ye yi kuthwe ko (Windhoek Advertiser 7 Novomba 1980).

Ongeleka ndjoka hayi ithana aatumwa noyo ya langeka Kaino Kovanen a kale matrone moshipangelo shaNakayale, otayi holola wo okuuva nayi kwayo nonkumwe sho

omupangi nguka ta kwatakanithwa nedhipago lyelenga L. Aluuma moka ke na mo nando osha. Ngashika ye mwene a popi ta ti: "Kandi na sha moshini-ma shedhipago lyalLisias Aluuma, kakele wala sho nda kondjo ngaashi te vulu ndi hupithe ando omwenyo gwe." Shika okwe shi ti mokupataneka omahokololo gomoonkundana nomiifo, ngaashi ndika: "Daar word egter vermoed dat dit verband hou met die moord op mr. Lisias Aluuma, "Die Republikein, November 7, 1980.

EHOKOLOLO LYOSHILI:

Esiku eti 21 Oktoba 1980 aakwiita ya SA oya ponokele oshipangelo shaNakayale. Aakuluntu yaakwiita oye ya kumatrone noye mu pula e ya pe elandulathano lyomadhina goonakulonga moshipangelo ayehe. Matrone, Kaino, okwe ya yamukula kutya ye ita vulu okugandja omadhina gaa-yakuli yomoshipangelo, ashike ayehe ope ye li notaa vulu okupopya kehe gumwe edhina lye.

(kepanija eti 3)



Aakuluntu yaakwiita oya geye noya tameke okumatukamatuka noshipangelo, taa igidha mokule nokwiithana aavu naayakuli yomoshipangelo ye ye kuye. Matrona okwa lombwelwa a ithane aayakuli ayehe ye ye kaakwiita. Yamwe yomuyo oya adhika ya thiki nale nokuli paakwiita nooyakwawo ye li mondjila, ope ihe ohaluka yowala, aakwiita oya nena po.

Esiku eti 29 Oktoba 1980 potundi 9.45 yongulohi okwa uvika omatati taga topa noga kala taga ngunguma ethimbo li thike poominate 15.

Matrona okwa pendulwa kendundumo nandika lyoondjembo nokwa uvu gaantu taga popi popepi negumbo lye. Aantu oya li taa ende taa dhangoloka negumbo lye noya tameke okukonkela tango komweelo omunene gwegumbo yo taa igidha nokupula ya pewe iipatululo, ihe itaa popi kutya iipatululo oya shike.

Matrona okwa kala ashike a mweni, molwaashoka oondjembo odha li tadhiti topa natango. Huginina ankonkalo olye ya pekende lyondunda ye yokulala nolya landulwa natango tuu kokupula iipatululo. Konima yethimbo lyontumba etopo lyomatati olya mweni nepiyaganeko lyopogumbo lya kodha.

Inapu pita ethimbo ele konima yaambika, okwazi iihauto iyali ya zilile kongalama e tayi ya koshipange-

lo. Oshihauto shimwe oshomukwashigwana ano shopaumwene, noshikwawo oshaakwiita. Iihauto oya li ye eta omuvu koshipangelo. Esiku eti 30 Oktoba 1980, Kaino okwa yi kegumbo lyoshilyo shokangundupitithi kepangelo lyOwambo shoka shi na sha niinima yuukalinawa, omusamane Titus Heita oku ka ipota oshinima. Kaino ina popya naHeita, ngaashi sha tiwa moshifo Die Republikein sheti 11 November 1980, "----- pastoor Heita versoek het om die polisiemanne wat die hospitaal bewaak te v. rwyder."

Ihe Kaino okwa popi neefolo Albertina Heita nomakakunya gaandjawa. Okwe ya tseyithile kutya oku na ehokololo tali ti; aantu mboka ya li kegumbo lye nokoshipangelo usiku aniwa omakakunya gaandjawa, ano gaandja Heita. Efolo Heita nomakakunya ge oye shi ikala okandaanda kutya yo hayo ya li ko. Ope ihe Kaino okwa tsikile ko e ta yi kokamba yaakwiita ndjoka yi li popepi, kOutapi, kOutapi, okulopota oshinima.

Aakwiita oya koleke kutya etopo lyomatati oye li uva. Konima Efolo Heita nomakakunya gaandjawa oye ya kegumbo lyaKaino okutala ompadhi. Natango oya patana kutya hayo. Nena Kaino okwa ti: "Ashihe shimwe kutya aapiyaganeki oyo oolye; ihe ngame inandi hala egameno lya tya ngaaka pegumbo lyandje lyopaumwene."

Esiku eti 31 Oktoba 1980 potundi 11.50 usiku, aapangi mboka ya li metonatalo oye ya noya lombwele Matrona (kepandja eti 4)



kutya omuvu, omusamane Lisias Aluuma, okwa yahelwa momukunda moshipangelo. Matriona okwa yi mbalambala koshipangelo. Aapangi oya kaxbadhala naashika tashi vulika nankondo dhawo ojuhupitha omwenyo gwaLisias. Oshiningwanima shika osha tseyithilwa aapolisi yokoshakati mokulangitha oradio yoshipangelo shaShakati potundi 12.30. Lisias okwa hulitha potundi 5.20 yongula. Inaku monika sigo ompoka ekwatho lyasha lya za pondje kwa li.

Esiku alihe lyEtitano Kaino Kovanen ina mona noina popya nomupolosi nenge nomukwiita nando ogumwe. Ina indila nando omuntu a kuthe po aagameni yaAluuma poshipangelo, ngaashi tashi popiwa meshifo sho Die Republikein sheti 7 November 1980 taku ti: "Daar is kort na die moord op mnr. Aluuma vertel dat n paar uur voordat die terroriste die Nakayale Hospitaal binnegegaan het ek mnr. Aluuma dood te skiet, mej. Kovanen die Owambo LUK belas met gesondheidsdienste, pastoor Titus Heita versoek het om die groep polisiemanne wat die hospitaal bewaak te verwyder".

Eludnilo lya tya ngaaka kali na nando oshili yasha. Nokuli, oshipangelo sho shene kasha li nande shalangelwa nosho wo omusamane Aluuma ka li nande e na aalangelili ye mu kalela moshipangelo, kakele wa-

la komatalelope gopomathimbo nomathimbo pethimbo lyomutenya. Kaino Kovanen ina lombwela nando omupolosi nenge omukwiita gumwegumwe a thige po oshipangelo. Ishewe otashi kumitha ngele Kaino paveta ota vulu tuu shili okukeelela aakwiita yaa tsakanithe iinakugwanithwa yawo. Otashi kumitha wo ngele omusimanekwa T.Heita nomakakunya ge oyi ilongekidha tuu shili okuvulika komalombwelo gaKaino Kovanen. Muuyelele waashoka sha ningwa uusiku weti 29 Oktoba, osha yela kutya omwenyo gwaKaino ogwa li moshiponga.

Kaino kwa yi kaantu mboka ye lile po ando oshigwana oku ka konga ekwatho, ihe okwa pewa elundilo edhigudhigu lyokutya okwa li melongelokumwe naadhipagi. Onkee onkundana ndjoka ya zi mombelewa yaNgoloneya ndjayi, paRadio yaSouth Africa yeti 8 Novemba 1980, tayi ti kutya oshinima ashihe oshi li mokukonakonwa, oya taambwa nepandulo enene shili kuELOK. ELOK oti indile elundilo lyokudhiladhila omupangi Kaino Kovanen kutya okwa li melongelokumwe naadhipagi li opalekwe.

Mokuhulitha nashi kale sha yela kutya; okutidha aatumwa, oku ya tindila oovisa, okutula aantu moontholongo, oku ya hepeka, oku ya thimini, ka ya taambe omulandupangelo, okudhipaga nokuyaha aantu, mbika ayihe itayi ka eta nando ehulithopo







KO LYOMULILO ,GWA TILIGANA NOYE TA HUPITHA NOMIKAHA YOYE OMUKWANIILWA. NONGELE ITE TU HUPITHA, U KALE U SHI SHI,NGOYE OMUKWANIILWA,TSE ITATU SIMANEKE OSHIMENKA SHOYE NOSHIYELEKE=LA SHOSHINGOLI WE SHI DHIKE, TSE ITATU SHI GALIKANA". Dan.3:17-18.

Ooitaali yOmuwa muELOK, otu li po tatu pulwa ngashingeyi, pethimbo ndika, omapulo ga fa ndika: "Kalunga olye ngoka te ku hupitha miikaha yetu?" Otatu yamukula noto yamukula ngiini polwoye mwene aana nkondo mbaka yUuyuni? Omuwa Jesus ta ti: "Imamu tila mboka taa dhipaga olutu, yo itaa vulu okudhipagala omwenyo, aawe, tilena onquka ta vulu okuyonagulila moheli omwenyo nolutu. Eyamukulo lyu uka, eyamukulo lyomwiitaali olyo ndyoka lyaSadrak, Mesak naAbednego. Aamati mbeyaka yatatu oya sindi shili uuyuni netaalo lyawo oshoka nomukwaniilwa ngwiyaka omupagani, okwa ningi omwiitaaali esiku ndiyaka.

Ngele to tala iinima nkene tayi ende pethimbo ndika, unene ngoye ngoka wi itaala nowi inekela Kalunga molweendo nduka lwoye lweitaalo, ito vulu nande okuyanda shoka shali sha popiwa kaamati mbeyaka yatatu. Kalunga ketu ota vulu okutu hupitha miikaha yomuhepeki kehe. Ihe nonando ona zimine tse

yene nenge elike lyetu li yonagulwe po, natango tuu tse otatu kalele Kalunga ketu. Eitaalo lya tya ngaa-ka, ndyoka tali vulu okuthikamena omaziko gomulilo ga hanya, oondjembo oonene tadhi topa noomboma tadhi yonagula nokuhalakanitha ashiche, olyo elike enene li vule agehe. Onkee omasiku ngele taga ningi omawinayi ngeyi, dhimbulukwa, eitaalo alike tali sindi uuyuni mbuka.

Martin Luther, koshipala shomukesari Charles V, okwa tumbula ta ti: "Ondjila yandje otandi yi tsi-ke Omuwa, oshoka ye ngoka a hupitha aamati yatatu meziko lyomukwaniilwa gwaBabel, oku na omwenyo retalele nota pangele. Ngele ta zimine ndi yonagulwe po, nena omwenyo gwandje ogwo okanima okashona lela nokuyeleka nomwenyo gwKristus, ngoka a li a shundulwa nokweehamekwa e vule ayehe. Otamu vulu okupulandje shaashoka, kakele kokufadhuka po eitaalo noku li idhimbika. Ngame ite fadhuka po nande nongaa-shi itandi idhimbike eitaalo. Omuwa Jesus na kolekele ndje mushika." ELOK olyo tuu eitaalo lyoye ndyono?

Matti I. Amadhila



OMATUMWALAKA GAMWE GEHEKELEKO MOLWEHANAGULEPO LYOSHINYANYANGIDHO

Aamwameme, mOsondaha yedhina Krisrus Omukwaniilwa (Osondaha yepangulo), otwa taamba onkundana yehanagulepo lyoshinyanyangidho shaNiipa. Inamu teka omukumo, Jesus oye Omuwa.

Egongalo lyaBethlehem muBronx New York.

=====

Fye otwa halukifwa neenghono kembonyaunepo lopaalal loshinyanyangido. Alikana tambuleni ehekeleko letu, fye otwe mu ama neenghono adishe. Ongeleka yEtumo yaSweden.

---

=====

Onkundana yoluhodhi lyehalakanithepo etiyali lyomupya lyoshinyanyangidho oya adha ndje. Medhina lyOngeleka yaAngilikana no CCN otandi ku tseyihatile pamwe nongeleka ayihe, kutya otatu mu galikanene. . Otu uvite otwa kanitha eliko enene pamwe nane ; Kol: 1: 9; Efes.6: 10-11; 2Tess.3:16,18. James Kauluma.

=====

Ohatu mu hekeleke moluhodi, otwe li longekida oku mu kwafa pamukalo keshe. Pata Henning, Ongeleka yaKatolika kaRoma.

=====

Dr. Mau naalongi mombelewa dha LWF otaa holola oluhodhi noshimwpiyu shawo. Otamu vulu oku tu pa uyelele kombinga yuunene nosheetithi shehanagulo? Opo tuu muli? Alikana yamukula mbala. Olle Eriksson.

=====

Otwa dengwa pedu neenghono konghundana yoluhodi yembonyaunepo loshinyanyangido shaNiipa. Tu kwafeni mu tu tumine omafaneko etungululo pefimbo, opo a kundafanwe moshongalele shewilikongundu shoshikandjo shExumifokomesho nEpendulepo lOiwana, osho tashi ka ongala mu Geneva eti 9-11.12. 1980. Didilika, kutya ove mwene omumbishofi, ongeleka yeni noshiwana sheni otu mu na momadiladilo nontomailikano etu omafiku aa. Carl Mau, Eugene Ries naChrista Held.

=====

Ongongahangano yAakwaluther mUuyuni oya haluthwa noya hatwa pevi noonko-  
(kepandja eti 8)



ndo konkundana, kutya oshinyanyangidho sha ELOK yaNamibia poNiipa osha hanagulwa po komboma olutiyali. Ehomono ndika enene lyongeleka olyo imwe lyomcmusholondondo gwiilonga yuukolokoshi ya ningilwa ongeleka kumbo-ka ya hala oku yi thindila kongudhi nokumweneka ewi lyayo. Tse otwa tala ko oshilonga shika shopaugoya osho okukondjitha egongalo lyaakriste muu- yuni ahe. Otashi ehameke unene noonkondo oongeleka odhindji ndhoka oha kwathele nodha li dhi iyanba okutungulula oshinyanyangidho shika, sho sha li sha hanagulwa po 1973. Oku ulika oshimwiyu shetu oshinene, tse otwa tokola okukwatha omwanemengeleka mompangela kehe yayo yokutungulula oshinyanyangidho.

Otatu indile ayehe mboka ye na sha miinima yaNamibia ya taambe omafaneko gekandulepo lyomukundu pambili, ngoka ga gandjwa kligwanahangano, opo ku yandwe etsikilo lyetiko lyombinzi nuukolokoshi. Otwa hala okulombwela ii-lyo yomwamemengeleka kutya tse otu li pamwe nayo pethimbo ndika lyoluho-dhi. Otwa hangana nayo megalikano. Otatu koleke kutya Kristus ita vulu okuhanagulwa po. Oye oku na omwenyo shili.

(LWF).

+++++

Fye otwa halakanifwa konghundana yeendululo lehanaunepo loshinyanyangidho sha ELOK. Otwa shiivifila ovanhu vetu. Fye otwa itavela kutya kutya nonande oilonga youkolokoshi tai ningwa, ongeleka yeni otai twikile mokukwafela mokweetifa po ombili nemanguluko lohilongo sheni. Otu li meilikan ne-moukumwe nongeleka noshiwana sheni.

Ombelewa yongeleka yOinima yopondje ya VELKD muNdowishilanda.

+++++

Tse aatumwa yoshigongi sho CCN shoondakundathana miinimayomatseyitha, otatu mu tumine etumwalaka ndika mohole yuumwainathana. Otwa haluthwa kehomono ewinayi nolyehanagulo lyeliko lyoshinyanyangidho shaNiipa. Otwa hala okumutseyithila kutya:

- Otatu tsikile oku mu galikanena ne yene noshigwana sheni opo Kalunga e mu siikile nomawawa mu kale nawa mesiloshimwiyu lye nuudhiginini we u mu gamene nos mu popile.
- Otatu i uvanene tse yene okukala melongelokumwe ewanawa nane, ope oshili i uvike nawa lela mevi ndika alihe.
- Oshinyanyangidho shaAngelus (shOngeleka yaKatoolika) oshe egulukila okulongithwa kune. Inamu tila mboka taa dhipaga olutu, yo itaa vulu okudhipa-

(kepandja eti? )



ga omwenyo; aawe tileni shili oonguka ta vulu okuyanagulula moheli omwenyo nolutu, Mat.10:28

=====

Ewilikongundu lyEhanganotumo laSooni ola ongalele eti 20.11.1980. Otali pangula neenghono ekanifo loShinyanyangido shOngeleka notali udaneke okukwafela metungululo paimaliwa.  
Alpo Hukka.

=====

Onda hala okuholola oshisho shange kombinga yoshilonga shoukolokoshi osho sha ningwa omafiku aa mOwambo, omo oshinyanyangido shaNiipa sha mbonyanwa po. ELOK ongeleka ya fimanewa mOwambo. Osha fa sha yela, kutya oshilonga eshi osha longwa nediladilo lokunaipaleka ekwatafano pokati ka ELOK nepangelo.

Ame ohandi tale oshinima eshi nomesho manene nohandi ku shivifile ove naaveshe va kumwa koshinima eshi kutya ashishe tashi dulika otashi ka ningwa opo oupuki u holoke.

Ngoloneya-ndjayi'wa SWA/Namibia.

=====

Oshigongi shokomumvo shEtumo lyahangana lyopaVangeli (VEM) laNdowishilanda, ndyoka li li momutumba ngashingeyi mu na iilyo 126 opo lya taamba onkundana ombwinayi yehangulopo lyoshinyanyangidho sha ELOK. Tse iilyo yEhangano ndika otwa haluthwa noonkondo notwe etelwa oshimpwiyu koshilonga shika shoukolokoshi. Otwa hala oku mu tseyithila, kutya otwa gama kune nokongeleka yeni Pethimbo ndika lyomayekeko otatu mu dhimbuluka unene momagalikano getu. Otwi inekela kutya Mwene gwOngeleka Jesus Kristus oku li poppepi nane nesiloshimpwiyu lye, ehekeleko nekwatho lye. Mokuulika kutya otwa gama kune muKristus, otatu ka umba ongalo yowina moshigongi shika okukwathela metungululo lyoshinyanyangidho sheni. Otatu mu kundu amuhe nohapu yesiku ndika: "Oonakuhepekwa otaa ka nyanyukilwa Omwa naatokele yomokati kaantu otaa ka ligolela Omuyapuki gwIsrael".  
Jes. 29:19.

Medhina lya VEM

Peter Sandner, Siegfried Groth, Peter Heinsius

=====

Esilohenda nombili nai kale nane. Onkundana yehalakanithopo lyoshinya-

(Kepandja eti 19)



nyangidho ya thiki momakusti getu notayi ka tseyika mbala momagongalo egéhe moshilongo shika asháhe. Muuyelele wekanitho ndika enene, tse otwa hala mu steye kutya tse otu lu pamwe nane notatu indile Omuwa e mu pe ehekeleko nomukumo pethimbo ndika. Momagalikano getu okugalikanena mboka ya longo oshilonga shika noya hala okumweneka ewi lyEvaangeli nolyaantu yeni; one oshiholelwa oshinene shohole kutse atuhe. Onkene tuu, otwa geya noonkondo, ihe nando oshidhigu lela okugalikanena mboka ya dhipa-ga aana yeni, ya yaka po evi lyeni, notaa kambadhala okumu yuga ondilo yuuntu weni nemanguluko lyeni, natango tuu tatu hangana pamwe nane moku-landula elombwelo lyOmuwa gwetu okugalikanena aahepeki yeni. Mat.5:44

Monkambadhala yawo okumweneka ewi lyeni; itaa ka sinda nando. Inamu teka omukumo. "Kalunga na hambelelwe oonguka te tu pe esindano omolwOmuwa gwetu Jesus Kristus". 1Kor. 15:57.

Marshall Mauney, omupresidende gwo AW LWM.

Paul Wee, Amushanga Omukuluntu.

Edward May, Director office on World Service.

=====

Aaholike yOmuwa, ikoleleni moshili ndjika, Rom.8:31-39; Jesus okwa tya: Luk.22:53 ; Mark:13:13. Mpa pu thike uukolokoshi tau vuka, opo wo pu thike onkugo yongeleka tayi hwama.

Endjala, Auala nongundu. (CDM)

=====>=====

Sha thika momakutsi getu. Onkugo yepbngo oKalunga mwene he yi tondoka. Nangolo Nelomba.

=====>=====

Otwa halikifwa neenghono kehanauno lili loilonga yenyanyangido yongeleka. Kalunga oye omunanghono e dule eenghono adishedowii odo da hanauna po eliko longeleka yaye. Otwa hangana pamwe noilyo yongeleka aishe momaili-kano, opo Kalunga a yandje ombili nemanguluk. koshilongo eshi shetu nokovanhu vasho ovo va hepekwa nai.

Pnhele yoilyo aishe yo SWAPO-D

Andreas Shipanga.